

ԱՆԻԾԱԾ ՀԱՐՍԸ

- Վաղ ժամանակ մի հայ շենում
 Մի հարգեալ հարսն է լինում:
 Նըրա բերնից՝ կեսուր-կեսառ
 Չէին լրսել մի շունչ, մի բառ,
 5 Չէին տեսել շուրթը մի օր...
 էսպէս խոնարհ ու հարգեալ:
 Մի օր մենակ օդում* նըստած
 Իր ճոխ մագերն արձակ թափած,
 Ազատ, անփույթ սանրում, հյուսում,
 10 Հետն էլ ձենով երգ էր ասում:

- «Աշխարհքը բանտ,
 Մեջը անբախտ
 Ես մի գերի անխընդում.
 Սիրուն շորեր,
 15 Ջահիլ օրեր
 Ի՛նչ եմ անում էս բանտում:

էրնե՛կ ծըտին,
 Ճյուղքի միջին
 Ծըլվըլում է, թըրթըռում,

* օդա(բրբ.) - գյուղական տան այն սենյակը, ուր օջախ, բուխարի են վառում, հյուրեր են ընդունում:

20 Թըռչում՝ սիրած
Ընկերն առած,
Ազատ, կանաչ արտերում:

Ա՛խ, սև ըլի,
Զըքվի, փըլի
25 Ծընված օրը աղջկա,
Ցավ ու խընդում
Փակված սըրտում,
Ծիծաղ չըկա, ախ չըկա...»

Մին էլ հանկարծ բացվեց դուռը,
30 Ու ներս մըտավ ծեր կեսուրը:
— Հո՛, պո՛, պո՛, պո՛, կանչեց խեղճը,
Գետին պատռի՛, մըտնեմ մեջը...
— Հոպոպ դառնաս,

Անամոթ հարս:
35 Մի տե՛ս, մի տե՛ս,
Թե լըրբի պես
Գըլուխը բաց,
Ազատ նըստած՝
Ո՛նց է կանչում,

40 Զի ամաչում:
Լեզուդ լալկի,
Մազըդ թաղքի,
Գըլխիդ կըպչի
Սանրը միջի:

45 Ասավ-չասավ,
Մին էլ տեսավ
Սանրը գըլխին
Հարսն առաջին

- Հոպոպ դառավ,
50 Երգկից թըռավ,
Ու վերացավ,
Վեր, հեռացավ:
էն էր ու էն.
Խեղճն էն օրեն
55 Հանդերն ընկած՝
Հոպոպ մընաց.
Միշտ էլ էն հին
Սանրը գըլխին,
Չալի կ՝մալի կ,
60 Լեզուն լալիկ,
Անխոս ու լուռ,
Մոլոր՝ տըխուր:

- Բայց երբ հանկարծ
Միտն է գալիս,
65 Որ գլխաբաց,
Երգ ասելիս՝
Իր կեսուրը
Բացեց դուռը,
Վեր է թըռչում
70 Սըրտատըրոփ
Ու դեռ ճըշում.
— Հո՛ւպոպ... Հո՛ւպոպ...